



## EDICTE

*deth Conselh Generau d'Aran, peth quau s'apròven inicialment es bases reguladores qu'an de regir er autrejament des prèmis a Trebalhs de Recèrca en aranés deth Conselh Generau d'Aran*

Cossent damb çò que dispausen er article 124 deth Decret 179/1995, de 13 de junh, peth quau s'apròve eth Reglament d'Obres, Activitats e Servicis en relacion damb er article 83 dera Lei 39/2015, d'1 d'octobre, deth Procediment Administratiu Comun des Administracions Publicques, era Lei 38/2003 de 17 de noveme, Generau de Subvencions, eth Conselh de Govèrn, en session ordinària de 5 de junhsèga de 2023, aprovèc es bases reguladores qu'an de regir er autrejament des bases reguladores des prèmis a Trebalhs de Recèrca en aranés, enes tèrmes qu'ara seguida s'especificuen:

### ***“PRÈMIS A TREBALHS DE RECÈRCA EN ARANÉS DETH CONSELH GENERAU D'ARAN” 3au edicion, cors 2023-2024***

#### ***BASES***

##### ***PREAMBUL***

*Eth Trebalh de Recèrca (TdR) ei un trebalh d'investigacion de tipe individuau sus un tèma determinat e orientat per un professor/a tutor/a. Era sua elaboracion s'inicie en 1èr de Bachelierat e era presentacion e avaloracion se hè en 2n. Er estudiant aurà de presentar es resultats dera sua investigacion per escrit (memòria escrita) e exposar-les oraument. Eth Trebalh de Recèrca ei ua part importanta deth curriculum. Ei avaluable e supòse ua part dera qualificacion finau, en concrèt represente un 10% dera nòta e sonque ei un requisit en Catalonha.*

*Eth Conselh Generau d'Aran convòque es prèmis as TdR en aranés damb era finalitat de reconèisher er interès e dedicacion des estudiants ena utilizacion dera lengua aranesa a nivèus academics. Aguest reconeishement a coma objectiu incentivar er usatge der aranés e tanben de dignificar era lengua pròpria d'Aran, qu'ei cooficiau en tota Catalonha amassa damb eth catalan e castelhan.*

*Era quau causa se hè publica per un tèrme de vint (20) dies obrants, ar efècte de possibles reclamacions e/o allegacions. Se passat aguest tèrme non se produsissen reclamacions ne allegacions, s'entenderàn es bases definitivament aprovades, sense besonh d'ulterior acòrd.*

##### ***DESTINATARIS***

*Se pòden presentar tàs prèmis toti es estudiants de 2n de bachelierat matriculats en Institut d'Ensenhament Segondari d'Aran qu'agen presentat un trebalh de recèrca en lengua aranesa eth cors 2023-24.*

##### ***CONDICIONS DETH TREBALH***

- Èster escrit e exposat oraument en aranés*
- Auer obtengut ua qualificacion de notable o excellent ena presentacion en centre educatiu.*
- Pòt èster individuau o en parelha. En cas d'èster en parelha, eth prèmi serà compartit.*

##### ***CATEGORIES***

- Trebalhs damb qualificacion entre 9 e 10*
- Trebalhs damb qualificacion de 8*
- Trebalhs damb qualificacion de 7*



## PRÈMIS

- Es prèmis s'autregen en foncion dera puntuacion que dongue eth jurat deth Conselh Generau d'Aran e non pas pera nòta dada peth centre educatiu. S'establiessen es prèmis que seguissen:
- 250€ e diplòma as trebalhs en aranés damb qualificacion entre 9 e 10
- 150 € e diplòma as trebalhs en aranés damb ua qualificacion de 8.
- 100 € e diplòma as trebalhs en aranés damb qualificacion de 7.
- Mencion especiau damb diplòma as trebalhs qu'estúdien un aspècte lingüistic, scientific, ambientau, social etc. restacat damb eth territòri dera Val d'Aran.

Er autrejament des prèmis ei limitat ara disponibilitat pressupostària deth Conselh Generau d'Aran ena sua aplicacion pressupostària 01/326.48103.01. En cas que s'excedisque er impòrt pressupostari, er impòrt des prèmis se reajustarà ara consignacion pressupostària.

## PRESENTACION

Serà eth centre educatiu qui comunicarà ath Departament de Cultura e Lengua deth Conselh Generau eth nombre des trebalhs damb es títols e autors que pòden optar a prèmi.

Serà eth candidat a prèmi (er autor o autora) qui presentarà ua sollicitud en Registre generau deth Conselh Generau, o a trauès des mieis qu'establis er article 16.4 de la Llei 39/2015, d'1 d'octobre, deth procediment administratiu comun des administracions publiques. Ad aquera sollicitud s'adjunherà :

- eth trebalh de recèrca (en supòrt electronic e format PDF)
- un resum brèu deth contengut (maxim 500 paraules)
- eth butletin de nòtes deth centre educatiu entà aportar era nòta obtenguda en trebalh de recèrca.

Era data de presentacion des trebalhs en Conselh Generau serà abans deth 20 de març de 2024.

## JURAT E CRITÈRIS D'AVALORACION

Eth jurat serà format per dus tecnicos deth Departament de Cultura e Lengua deth Conselh Generau.

Aguest jurat avalorarà exclusivament era correccion normativa deth trebalh (fautes e qualitat escrita) tient en compde es següenti critèris:

- ortografia: maxim de 3 punts
- gramatica: maxim de 2 punts
- sintaxi: maxim de 2
- lexic: maxim de 3

Puntuacion maxima: 10 punts

Entà obtier prèmi cau obtier un minim de 7 punts.

## RESOLUCION

- Eth tèrme entà resòlver era convocatòria ei de tres mesi a compdar de londeman dera data d'acabament deth periòde de presentacion des sollicituds.
- Eth jurat comunicarà ar interessat se li correspon o non eth prèmi e eth veredecte serà inapelable.
- Es prèmis se pòden declarar desèrts.

## LIURAMENT DES PRÈMIS

Es prèmis se liuraràn en madeish acte de graduacion organizat per Institut d'Aran.

Eth pagament deth prèmi se realizarà mejançant transferéncia bancària ath



*numèro de compde qu'eth guanhador/a, o eth sòn tutor o representant legau designe en formulari qu'obligatòriament s'aurà d'aumplir e liurar, validat pera entitat bancària, ar organisme que convòque es prèmis.*

## *AUTORIA E DIFUSION DES TREBALHS PREMIATS*

- Era concession e posteriora acceptacion deth prèmi compòrte autorizar ath Conselh Generau d'Aran a publicar eth treball premiat ena web deth Conselh pendent un (1) an a compdar dera data d'autrejamet dera subvencion.*
- Era cession des drets de publicacion non ei de forma exclusiva e se permet ar autor era explotacion dera òbra per eth madeish o cedir-la a tercèrs"*

Era quau causa se hè publica per un tèrme de vint (20) dies obrants, ar efècte de possibles reclamacions e/o allegacions. Se passat aquest tèrme non se produsissen reclamacions ne allegacions, s'enteneràn es bases definitivament aprovades, sense besonh d'ulterior acòrd.

*Vielha, signat electronicament*

Amador Marqués Atés  
Vicesindic prumèr